

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-15697/19
Sarajevo, 02.9.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na izgradnji separatne kanalizacione mreže u ulici Safeta Ahmetpahića

I

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na izgradnji separatne kanalizacione mreže u ulici Safeta Ahmetpahića, broj obavještenja 422-1-3-202-3-93/19, objavljen u „Službenom glasniku BiH – Oglasnik javne nabavke“, br. 51/19 od 26.7.2019. godine, dodjeljuje se ponuđaču konzorciju: „Manjo“ d.o.o. Sarajevo i „Bosman“ d.o.o. Sarajevo, sa ponuđenom cijenom za ugovor u iznosu od 444.883,97 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač - konzorcij iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od momenta predaje ponude.

Obavezuje se ponuđač iz člana I ove Odluke da u roku od 5 (pet) dana iz zaprimanja iste, dostavi dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 90 dana računajući od dana utvrđenog kao krajnji rok za predaju ponuda.

Obrazloženje

Odlukom broj 02/12-23-15697/19 od 23.7.2019. godine Općina Novi Grad Sarajevo pokrenula je postupak javne nabavke za izvođenje radova na izgradnji separatne kanalizacione mreže u ulici Safeta Ahmetpahića, broj obavještenja 422-1-3-202-3-93/19, objavljen u „Službenom glasniku BiH – Oglasnik javne nabavke“, br. 51/19 od 26.7.2019. godine.

Zapisnikom o otvaranju ponuda od 14.8.2019. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: 1. „Bujice“ d.o.o. Konjic, 2. Konzorcij „Manjo“ d.o.o. Sarajevo i „Bosman“ d.o.o. Sarajevo i 3. „Harysco“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Bujice“ d.o.o. Konjic ne ispunjava kvalifikacione uslove tražene u tenderskoj dokumentaciji iz podtačke 3.4.1. (3) tehnička i profesionalna sposobnost: da je ponuđač opremljen nophodnom opremom za obavljanje predmetnih radova: kamion 2- kom, utovarač 1 kom, bager 20t -1 kom, mini bager 5t – 1 kom, vibro ploča 200-300 kg – 1kom, što se dokazuje izvodom iz knjige osnovnih sredstava ili ugovorom o iznajmljivanju opreme, a za kamione se dostavlja saobraćajna dozvola, za radne mašine saobraćajna ili upotrebna dozvola za zapisnikom koji dokazuje tražene karakteristike (original ili ovjerena kopija). Uvidom u dostavljenju dokumentaciju „Bujice“ d.o.o. Konjic utvrđeno je da je dostavljen ugovor zaključen između „Bujice“ d.o.o. Konjic i GD „Rad“ d.d. Konjic o poslovno-tehničkoj saradnji za iznajmljivanje mehanizacije (utovarač i mini bager 5t), ali da za predmetne mašine nije dostavljena saobraćajna ili upotrebna dozvola sa zapisnikom kojim se dokazuju tražene karakteristike. Također nije dostavljen izvod iz knjige osnovnih sredstava, te su za radne mašine bager 20t i vibro ploča dostavljene upotrebne dozvole bez zapisnika koje čine sastavni dio istih, a kojima se dokazuju tražene karakteristike radnih mašina.

Iz naprijed navedenih razloga utvrđeno je da ponuđač „Bujice“ d.o.o. Konjic ne ispunjava uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač „Harysco“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz podtačke 3.4.1. (3) tehnička i profesionalna sposobnost: da je ponuđač opremljen nophodnom opremom za obavljanje predmetnih radova: kamion 2- kom, utovarač 1 kom, bager 20t -1 kom, mini bager 5t – 1 kom, vibro ploča 200-300 kg – 1kom, što se dokazuje izvodom iz knjige osnovnih sredstava ili ugovorom o iznajmljivanju opreme, a za kamione se dostavlja saobraćajna dozvola, za radne mašine saobraćajna ili upotrebna dozvola za zapisnikom koji dokazuje tražene karakteristike (original ili ovjerena kopija). Uvidom u dostavljenju dokumentaciju „Harysco“ d.o.o. Sarajevo utvrđeno je da su za sve radne mašine dostavljene upotrebne dozvole bez zapisnika koje čine sastavni dio istih, a kojima se dokazuju tražene karakteristike radnih mašina.

Iz naprijed navedenih razloga utvrđeno je da ponuđač „Harysco“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Uvidom u preostalu ponudu ponuđača konzorcij „Manjo“ d.o.o. Sarajevo i „Bosman“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji.

Nakon što je Komisija utvrdila da je samo jedna ponuda prihvatljiva, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Komisija je izvršila računsku kontrolu ponude ponuđača konzorcij „Manjo“ d.o.o. Sarajevo i „Bosman“ d.o.o. Sarajevo i utvrdila računsku grešku, te dana 19.8.2019. godine uputila obavještenje o ispravci računске greške tako da ukupna cijena za predmetni ugovor umjesto 442.064,88 KM sa PDV-om iznosi 448.883,97 KM sa PDV-om. Dana 19.8.2019. godine ponuđač je dostavio saglasnost na ispravku računске greške.

Komisija je nakon ispravke računске greške utvrdila da je predmetna ponuda konzorcija „Manjo“ d.o.o. Sarajevo i „Bosman“ d.o.o. Sarajevo u iznosu od 8.473,97 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 436.410,00 KM sa PDV-om).

Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-1505/2019 od 27.8.2019. godine Služba za finansije je dala saglasnost na traženi dodatni iznos od 8.473,97 KM, te je na osnovu te saglasnosti Komisija nastavila sa procedurom javne nabavke i predložila da se donese odluka o dodjeli ugovora za predmetne radove ponuđaču konzorcij „Manjo“ d.o.o. Sarajevo i „Bosman“ d.o.o. Sarajevo, sa ponudom u iznosu od 444.883,97 KM sa PDV-om.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora ponuđaču konzorcij „Manjo“ d.o.o. Sarajevo i „Bosman“ d.o.o. Sarajevo, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
mr. Nejra Smajić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić